

潮州志

大事志
(一)

印 翻 准 不 有 所 權 版

館 志 修 州 潮 者 行 發

號 七 路 生 民 頭 汕

局 務 印 文 藝 者 刷 印

號 五 五 路 平 至 頭 汕

潮州志

大事志一

總纂饒宗頤輯訂

勳纂陳學儒輯

潮地襟帶山海伊古爲巖疆號稱難治自漢武開縣始入職方之圖唐以降謫宦所歸人文日盛洎宋明末造天南流播負隅憑險尤以此爲要衝其間不無黽勉艱貞崎嶇盡瘁之士有若文天祥屯師潮陽張家玉募兵鎮平鄭成功傳檄勤王於南澳皆昭然著在史冊當明中葉山海兩寇攘奪相尋勾引倭夷爲害滋甚清初濱海被兵苦無寧歲而土弁交訐洶洶不已耿藩之變劉鎮反清鑿兵潮惠之間及乎受撫而征伐稍息自是黎庶始略享承平民國以來伏戎于莽變亂間作迨日寇南侵海隅深罹荼毒其赴國難捐生命可泣可歌之事尤夥凡此皆地方之大事足以備國史之要刪者也往日志乘順治乾隆時吳周兩府志各有兵事征撫之篇用紀事本末之體不繫年月稽覽爲艱海陽吳志仿阮通志例撰爲前事略始秦訖清椎輪粗具顧乃局于一隅潮陽唐志周志揭陽劉志李志均有事紀而年世不齊繁殺非一自餘各志或稱寇氛寇變或繫兵防海防大都詳亂而略治若是於時政得失生民

利病考鏡何從烏足以賅一郡之大事耶是志之輯舉凡災變兵燹庶政建置諸大端挈要編年立綱繫目為之撰異匡誤其委瑣則納諸志餘勾稽載籍勤為補綴於以述往思來究治亂之原尋興革之軌縱橫今古稍存全州歷代之故實語云前事之不忘後事之師也雖不能盡備亦考文徵獻者所不廢爾

秦

始皇

三十三年丁亥初戊揭陽嶺

是年發諸嘗捕亡費燻費人略取陸梁地為桂林象郡南海以適遣戍【史記始皇紀六國表】三十四年適治獄吏不直者築長城及南越地【始皇紀】

宗頤按徐廣曰五十萬人守五嶺張守節正義引廣州記云五嶺其一揭陽此秦兵之初戊揭陽嶺也淮南子人間訓秦使尉屠睢發卒五十萬為五軍一軍塞鐘城之嶺一軍守九疑之塞一軍處番禺之部一軍守

南野之界一軍結餘干之水三年不解甲弛弩使監後無以轉餉又以卒鑿渠以通糧道以與越人戰殺西

區君譯吁宋而越人皆入叢薄中與禽獸處莫肯為秦虜相置築驗以為將而夜攻秦人大破之殺尉屠睢

伏屍流血數十萬乃發戍以備之此事始皇紀不載惟史記主父偃傳嚴安上書云秦使蒙恬將兵北攻胡又使尉屠睢將樓船之士南攻百越使監後鑿渠運糧伐胡越兩事相提并論蒙恬擊胡事在三十二年

則屠睢攻越當亦同年【番禺志前事略主是說】呂成公大事記與越南史籍如黎文休大越史記別記潘季先等越史通鑑綱目均繫此事於始皇三十三年【即蜀安陽王四十四年】是也張鏡心馭交記繫

始皇三十二年相差一年法人鄂盧梭 L'Auloussard 乃誤讀人間訓文謂秦人初次用兵南越在始皇平定天下之歲即二十六年不悟淮南明言秦伐越因始皇覽河圖有亡秦者胡一語遂發兵南擊越而北擊胡見河圖事在始皇三十二年則伐越烏得在其前耶又郭華萬曆廣東通志繫其事於二十九年當是據淮南子三年不解甲弛弩一語加以推測以三十三年平南越置三郡假定越人殺尉屠睢在其前一年如

是再上推三年為二十九年不知依淮南定說則擊越當在三十二年見河圖之後自身矛盾而廣州府志繫於三十四年比三十三年遲一載考阮元通志雖錄淮南文於三十四年下然於三十三年已書趙佗與屠睢同來攻越則三十三年是而三十四年亦非伐越之年各書多歧附為辨正

又按晉書地理志始皇既略揚越以誦戍卒五十萬人守五嶺後使任囂趙佗攻越略取陸梁地遂定南越以為桂林南海象等三郡非三十六郡之限乃置南海尉以典之所謂戍卒五十萬人符屠睢所領之數又以五嶺即五路兵蓋用徐廣說惟將誦戍與使任趙攻越分為兩事則因淮南記屠睢敗後有乃使尉佗將卒戍越一語從為之辭方輿紀要載史祿轉餉留家揭嶺此為中土移民入潮之始惜其遺址不能確知耳
附按吳府志兵事記轉餉之始云始皇使南海尉屠睢伐百粵以史祿轉餉擊梁海陽山下通糧道民稱靈渠林胡府志及海陽張志吳志皆著此事蓋以史祿擊渠在潮之海陽縣海陽山下考淮南人間訓言誘注監祿秦將擊通湘水灘水之渠文苑英華及輿地紀勝載唐魚孟威重修靈渠記云靈渠乃海陽山水一派也謂之灘水秦命史祿吞越嶠而首擊之唐書地理志靈渠引灘水故秦史祿所擊又輿地紀勝靜江府古蹟秦鑿渠在興安縣是史祿所鑿靈渠實在今廣西興安縣與潮州之海陽絕無涉考漢書地理志零陵陽海山有灘水水經灘水出陽海山是其山本稱陽海山後人轉誤倒稱曰海陽山遂致與潮州海陽縣之海陽山相混舊志不加細察因訛傳訛特為訂正于此

漢

高祖

五年^巳春二月立吳芮為長沙王

二月詔以長沙豫章象郡桂林南海立番君芮為長沙王【漢書高祖紀】

宗頤按項羽初封芮為衡山王時僅領六安屬四縣及江夏郡一縣迨高祖徙之長沙僅得長沙及豫章郡數縣而已或謂芮時揭地遠屬長沙然南海諸郡尚屬趙佗高祖但虛封之耳

十一年^{乙巳}夏五月立尉佗為南越王

五月詔曰粵人之俗好相攻擊前時秦徙中縣之民南方三郡使與百粵雜處會天下誅秦南海尉佗居南方長治之甚有文理中縣人以故不耗減粵人相攻擊之俗益止俱賴其力今立佗為南越王使陸賈即授璽綬

佗稽首稱臣

【漢書高祖紀】

十二年

丙午
公元前一九五

春三月立南武織為南海王

三月詔曰南武織亦粵之世也立以為南海王【漢書高祖紀】

宗頤按時潮地屬南海郡全祖望經史問答云據詔文謂織是無諸之族南武地當在今汀潮籍之間長汀志以今武平縣即當日南武侯侯地而漢封之曰南海者考潮安饒平交界有南武嶼盤藍雷三姓族居其上其山名南武倚因南武織之舊疆而名歟

高后

五年

戊午
公元前一八三

尉佗自稱南越武帝

高后時有司請禁南越關市鐵器佗曰此必長沙王計也欲倚中國擊滅南越而并王之自為功也是歲南越王尉佗乃自尊號為南越武帝發兵攻長沙敗數縣而去文帝元年始復奉貢職【漢書高祖紀史記尉佗傳】

武帝

元鼎五年

己巳
公元前一一二

秋漢伐南越餘善從擊呂嘉兵至揭陽反

四月南越王相呂嘉反殺漢使者及其王王太后秋武帝遣將軍路博德將兵擊呂嘉東粵王餘善上書請以卒八千從樓船將軍擊呂嘉兵至揭陽留不遣陰持兩端以海風波為解是冬楊僕等破南粵餘善請引兵誅之不許因留諸將校屯嶺上餘善遂反殺三校尉上乃遣楊僕出武林中尉王温舒出梅嶺擊之【漢書武帝紀兩粵傳】

宗頤按漳浦志蒲葵關漢南越故關餘善以兵從至揭陽經此關在邑之南即盤陀嶺也

六年

庚午
公元前一二

冬十二月南越揭陽令史定降漢

十月得南越相呂嘉首遂定越地以為南海蒼梧鬱林合浦交趾九真日南珠厓儋耳郡冬十二月揭陽令史定漢書兩粵傳作史定史記表及南粵傳無史字說詳職官表聞漢兵至降上封為安道侯漢書兩粵

傳參史記景武功臣表

按夏歷冬在公元已交翌年茲但依歲首紀元下仿此

置揭陽縣屬南海郡

是歲武帝平南越置南海郡領縣六揭陽屬焉漢書地理志

後漢

光武帝

建武五年

己丑
公元二九

冬十二月交趾牧鄧讓率南海七郡奉貢

冬十二月交趾牧鄧讓率七郡太守遣使奉貢七郡李賢註謂南海蒼梧鬱林合浦交趾九真日南並屬交州初岑彭與交趾牧鄧讓厚善與讓書陳國家威德于是讓與桂陽太守張隆等相率貢獻悉封為列侯江南之珍始流通焉後漢書光武紀岑彭傳

宗頤按東漢以降自交州通上國有水陸二途漢伐南越兵至揭陽以海風波為解其時正循海路後漢書鄭弘傳云舊交趾七郡貢獻轉運皆從東冶時屬會稽郡汎海而至風波艱阻沈溺相係弘奏開零陵桂陽道於是夷通遂為常路所謂嶠道即五嶺之道自鄭弘開闢人始多舍海而遵陸也

安帝

永初三年

己酉
公元一〇九

海賊張伯路寇掠緣海九郡

是歲海賊張伯路等寇掠綠海九郡遣侍御史龐雄督兵討之【東里志境事吳府志兵事】此為潮州海寇之始

吳

大帝

黃武五年

丙午
公元二二六

分交州置廣州俄復舊

是歲分交州置廣州俄復舊交州太守士燮卒權以交阯縣遠分合浦以北為廣州呂岱為刺史交阯以南為交州戴良為刺史【吳志孫權傳士燮傳】

赤烏五年

壬戌
公元二四二

鍾離牧守南海揭陽曾夏來歸

是歲鍾離牧從郎中補太子輔義都尉遷南海太守時揭陽曾夏等聚眾數千人歷十餘年以侯爵雜繒千疋下書購募不可得牧遣使慰諭皆首服改為良民【鍾離牧傳註引會稽典錄】

景帝

永安七年

甲申
公元二六四

復置廣州

是歲復分交州置廣州【孫休傳】

晉

成帝

咸和六年

辛卯
公元三三一

分南海立東官郡

是歲分南海郡立東官太守【宋書州郡志】潮地屬之

安帝

義熙九年

癸丑
公元四一三

分東官立義安郡領縣五

是歲分東官郡立義安太守領縣五海陽潮陽綏安海寧義招
【宋書州郡志】各縣惟海陽晉初立餘均此時置詳沿革志

齊

武帝

永明七年

己巳
公元四八九

封蕭子珉為義安王

子珉字雲璵武帝第二十子是年三月甲寅立為義安王【南史齊武帝紀】子珉後改永陽王繼衡陽元王道度後永泰元年見審事具南史齊宗室衡陽王傳

梁

簡文帝

大寶元年

庚午
公元五五〇

封蕭大昕為義安郡王

大昕字仁朗梁簡文帝第十八子是年封義安郡王二年遇害事具南史簡文諸子傳

陳

文帝

天嘉五年

甲申
公元五六四

封陸子隆為潮陽縣伯

子隆吳郡人隨章昭達討陳寶應功最遷武州刺史改封朝陽縣伯事具南史子隆本傳

宗頤按南史陳文帝紀擒陳寶應在天嘉五年十一月己丑封諸有功者或在是年惟子隆初封武州刺史武州梁置今湖南常德而南史本傳稱改封朝陽伯潮陽周志雜錄封爵引作潮陽考漢縣有朝陽屬南陽

郡劉宋時已廢則此朝陽當為潮州之潮陽汪士鐸南北史補志梁陳義安郡有潮陽伯國即此

又按潮陽周志封爵載元魏崔光封潮陽伯北史崔光傳孝文時光以參贊遷都謀賜爵朝陽子進爵為伯及封平恩縣侯以朝陽伯轉授第二子勗然元魏不應封及南裔考漢縣濟南郡有朝陽後漢曰東朝陽後改【南北史補志】舊唐書地理志齊州臨濟漢之管縣隋為朝陽縣魏書地形志濟南郡朝陽有朝陽城光及子勗所封當在于此非潮州之潮陽也附為辨正

隋

文帝

開皇十年庚戌秋八月遣使節巡嶺南公元五九〇

八月遣柱國襄陽郡公韋洸上開府東萊郡公王景並持節巡撫嶺南百越皆服【隋書高祖紀】

十一年辛亥罷義安郡始置潮州公元五九一

開皇十年罷郡省海陽縣仍於郡廢置義安縣以屬循州是歲立潮州以潮水往復為名【元和郡縣志】

煬帝

大業三年丁卯復義安郡公元六〇七

是年罷潮州復為義安郡【元和郡縣志】

六年庚午 武賁郎將陳稜自義安浮海擊流求國

二月乙巳武賁郎將陳稜朝請大夫張嶺州發東陽兵萬餘人自義安汎海擊流求國至高華嶼又東行二日至鼉鼈嶼又一日便至流求破之獻俘萬七千口【隋書煬帝紀陳稜傳流求國傳】

宗頤按此事通志舊府縣志俱失載東里志繫於大業四年蓋誤讀流求國傳今據煬帝紀正【丁謙隋書四裔傳地理志攷證云由潮州往流求先經八重山次經宮古島乃至那壩考自饒平柘林至冲繩之那壩

水程七一四海里陳稜傳謂自二月乙巳出兵汎海月餘而至正逆節季北風之時故濡滯如是之久台灣澎湖廳志福建通志俱言陳稜略澎湖地隋代流求自法人 Saut-Denys 以為即今之臺灣厥後學者多

從之其所經之鼉鼈嶼或謂即澎湖東北之奎壁山主冲繩說者則謂陳稜發兵萬餘人如以每艦載兵百人須百餘艦奎壁山周圍九里十九町沙岸多礁絕不容多量戰艦停泊故定鼉鼈為那壩口之久米島久

米為鼉鼈音訛蓋細按史文似指冲繩書缺有間尙難遽斷云【

十二年丙子 嶺南俚帥楊世略併潮州

是歲林士弘操師乞起為盜據豫章隋遣治書御史劉子詡討之射殺師乞士弘收其衆稱號改元【舊唐書林士弘傳】十二月略地至番禺嶺南俚帥楊世略起兵據循州併有潮州【吳府志兵事參周府志征撫】

唐

高祖

武德四年辛巳 復置潮州

是年義安郡復為潮州【元和郡縣志】時潮地屬林士弘

五年壬午 春正月李靖平嶺南潮州循二州來降

初蕭銑以舟師破豫章士弘獨有南昌虔循潮之地銑敗其亡卒稍歸之復振【新舊唐書士弘傳】武德四年十二月李靖平嶺南【册府元龜百六十四】荊州總管趙王孝恭遣使招慰之世略乃以循潮二州降時

五年正月己酉日也以為循州刺史使持節總管循潮二州軍事【新唐書高祖紀地理志廣東新通志列傳】士弘遣其弟鄧陽王藥師率兵二萬攻圍循州世略破斬之【新唐書士弘傳】

宗頤按吳周府志稱李靖檄龐孝恭討之世略乃以二州背林來降後避太宗諱更名略略功蓋與馮盎等史稱俚帥其人必為土著榕園瑣錄梅州舊諺云未有梅州先有楊古卜豈其時楊已為程鄉之著姓歟

高宗

總章二年己巳

公元六六九年

陳政出鎮綏安平泉潮蠻僚

是歲泉潮間蠻僚嘯亂居民命乞鎮帥以靖邊方高宗敕陳政統嶺南行軍總管事出鎮綏安將校自許天正以下一百二十三員俱稟號令比至鎮羣蠻來侵自以衆寡不敵退保九龍山奏請益兵朝命以政二兄敏敷領軍校五十八姓來援敏敷道卒母魏氏多智代領其衆入閩乃進師屯禦梁山之雲霄鎮因住宅于火田村居焉【丁氏古譜康熙漳浦志新修福建通志】

儀鳳二年丁丑

公元六七七年

厓山寇陳謙陷潮陽將軍陳元光討平之

厓山盜陳謙【吳府志】結諸蠻苗自成雷萬興攻陷潮陽【東里志漳浦志】潮州刺史常懷德遣將軍陳元光討平之【吳周府志】

宗頤按吳府志兵事云陳謙陷潮陽福建通志同而吳府志於元光本傳則云陳謙陷厓州閩粵震動新會志事略亦據黃佐通志元光傳作攻陷厓州攷阮通志沿革表厓州隋南海郡之新會縣唐武德四年平蕭銑置厓州領新會封平義甯三縣是厓州乃新會地與盜起厓山地理正合周府志作厓州盜恐誤

武后

垂拱二年丙戌

公元六八六年

嶺南行軍總管陳元光表請建一州於泉潮間

是歲嶺南行軍總管陳元光疏言周官七閩官增為八請建一州泉潮間設刺史領其事朝旨可之令兼秩領州北距泉建南踰潮廣東接島嶼西抵虔撫方數千里無桴鼓之聲號稱治平【漳浦志】

宗頤按漳浦志名宦傳稱元光嗣聖三年疏言然嗣聖改元僅一年嗣聖之三年即垂拱二年吳與漳州圖經序稱垂拱二年十二月九日奏置漳州初在漳浦水北因水為名茲據繫於是年

玄宗

開元二十一年

癸酉 公元七三三

唐循忠奏於潮虔福間置汀州

開元二十一年福州長史唐循忠于潮州北虔州東福州西光龍洞檢責得諸州避役百姓三千餘口奏置州因長汀溪以爲名【元和郡縣志】州治新羅【寶字記】二十四年開福撫二州山洞置汀州領三縣【新

舊唐書地理志】三縣即新羅【今龍巖】黃連【即甯化】長汀

宗頤按李世熊甯化志據寶字記九域志通鑑胡注循忠奏繫于開元十三年置州作二十六年然舊唐志開元二十二年罷漳潮二州督福建泉州汀四州唐書方鎮表是年福建經略使增領汀州是開元二十二年

已有汀州當以元和志爲得其實【參丘復長汀志】其云二十四年置者蓋二十一年始有是奏而官文書於二十二年已著爲明令時初闢草萊或遲至二十四年始正式置州也

二十六年

戊寅 公元七三八

春正月誅陳思挺

正月甲戌潮州刺史陳思挺謀叛伏誅【新唐書玄宗紀吳周府志】

代宗

大曆十年

乙卯 公元七七五

討循州刺史哥舒晃于潮陽

八年九月循州刺史哥舒晃反殺嶺南節度使呂崇賁【代宗紀】節度副使伊慎下韶州明年戰于滬江口又明年軍於胥門於端州戰于潮陽次于交廣十月斬晃於甘溪上功拜連州刺史【文苑英華】

十四年

己未 公元七七九

夏貶常袞爲潮州刺史

五月辛酉代宗崩門下侍郎平章事常袞與崔祐甫爭論喪服輕重德宗即位袞奏貶崔爲河南少尹帝怒閤五月甲戌使與祐甫換秩再貶爲潮州刺史九月一日到州至建中元年五月門下侍郎楊炎起爲福建觀察

使【新舊唐書本傳參德宗紀】

德宗

建中二年

辛 公元七八一

封徐州刺史李洧為潮陽郡王

李洧正己從父兄也正己用為徐州刺史【舊唐書正己傳】建中二年八月正己卒其子納自稱留後九月納陷宋州十月戊申【新唐書德宗紀】洧以其州歸順加御史大夫封潮陽郡王食實封二百戶充招諭使【

正己傳】

宗頤附按東里志境事云興元十二年廣寇陷揭陽陳謨率兵三千討之獲賊首監老鴟等送京按謨為元光會孫漳浦志有傳云謨以平廣寇功授中郎將兼漳州刺史考興元改元僅一年并無十二年此事吳周府志俱不載姑附于此以俟考

憲宗

元和十四年

巳 公元八一

春正月貶侍郎韓愈為潮州刺史

正月刑部侍郎韓愈因諫迎佛骨貶潮州刺史於正月十四日就道行逾六旬三月二十五日至潮州【新舊唐書本傳參洪興祖韓公年譜】是歲十月遷為袁州刺史【憲宗紀】

以趙德主州學事

刺史韓愈牒置鄉校以進士趙德攝海陽尉為衝推官勾當州學事【昌黎集置鄉校牒文】

武宗

會昌元年

辛 公元八四一

春二月貶故相楊嗣復為潮州刺史

初武宗之立非出宰相意罷嗣復為吏部尚書湖南觀察使會誅樞密薛季棱中人言其黨附嗣復將不利于帝遂命中使往湖南殺之賴李德裕崔珙諫因追還中使貶嗣復潮州刺史【新唐書嗣復本傳】

宣宗

大中元年丁卯冬貶李德裕為潮州司馬

冬十二月戊午貶太子少保分司李德裕為潮州司馬【通鑑】大中二年自洛水路經江淮赴潮州其年冬至潮陽【新舊唐書本傳】二年秋九月甲子再貶德裕為崖州司戶【通鑑唐大詔令集】

九年乙亥夏禁鬻男女

閏四月禁鬻外民鬻男女者【新唐書宣宗紀】

僖宗

乾符六年己亥高駢請兵邀遮潮循二州以禦黃巢

是歲春鎮海節度使高駢遣其將張璠梁繼等擊黃巢巢趣廣南秋八月奏遣兵馬留後王冑任將兵八千于潮循【順天府志人物引誤作循湖】二州邀遮自將萬人自大庾趣廣州擊黃巢【通鑑】帝納其策而駢

卒不行【唐書本傳】

廣明元年庚子春免賦稅

是年正月免嶺南賦稅十之四【僖宗紀】

昭宗

天復二年壬戌盧光稠譚全播取潮州

是時王潮攻陷嶺南全播攻潮取其處詔二州又遣光稠弟光睦攻潮州光睦好勇而輕進全播戒其持重不聽度其必敗乃為奇兵伏其歸路光睦果敗走潮人追之全播以伏兵邀擊大敗之遂取潮州是時劉巖起南

海擊走光睦以兵數萬攻虔州光稠大懼謂全播曰虔潮皆公取之今日非公不能守也全播曰吾知劉巖易與爾乃遣萬人伏山谷中陽治戰地於城南告巖戰期以老弱五千出戰戰酣偽北巖急追之伏兵發巖遂大敗【新五代史盧光稠譚全播傳】

宗頤按周府志稱光稠光睦分據潮韶海陽吳志前事略云光稠傳無光睦據潮州事蓋光睦為巖擊走或旋據而旋失耳今攷五代史南漢世家盧光稠據虔州其弟光睦據潮州子延昌據韶州再參光稠傳則光睦初敗賴全播乃攻潮州及劉巖兵擊光睦復為全播所敗是全播始終未失潮州南漢書云二年虔人盧光稠攻陷韶州遣弟光睦進圍潮州烈宗【即劉巖】擊之稍却光稠別將兵至我師敗遂陷潮州光稠別將即指全播是劉巖猶未得潮州也全播為光睦光稠部將世家載光睦據潮並無矛盾海陽志謂光睦并未據潮是疑所不當察也

後梁

太祖

乾化元年

辛未 公元九一一年

劉巖併取韶潮二州

是年劉隱卒其弟巖代之十二月巖聞虔州譚全播病發攻韶州破之刺史廖爽奔楚【通鑑】進取潮州【南漢紀南漢書高祖紀】

宗頤按新五代史南漢世家云隱以兵事付龔遂出兵攻取盧氏取潮韶不繫何年但知潮韶二州為巖所取為同年之事吳府志云乾化四年劉巖攻取盧氏取潮韶二州攷巖取韶州確係乾化元年事則四年之說不知何據又周府志梁正明三年丁丑八月龔帥兵取之遂有潮州攷貞明三年龔即位稱帝號距乾化元年尚有七年據南漢世家所載取潮韶在貞明三年前則周府志之說恐未足信

南漢

高祖

乾亨元年

丁丑 公元九一七年

秋八月劉巖稱帝于廣州

【後梁末帝 貞明三年】八月劉巖即皇帝位於番禺以廣州為興王府【通鑑參南漢紀】時巖悉平諸寨出兵取潮韶容管桂管八

【新五代史南漢世家南漢書高祖紀】

四年 庚辰 公元九二〇 春始立學校

【後梁末帝 貞明六年】春三月從兵部侍郎楊洞潛請始立學校設銓選開貢舉歲放進士明經十餘人如唐制帝悉從之【十國春秋南漢書高祖紀】

六年 壬午 公元九二二 夏四月漢主幸程鄉梅口

【後梁末帝 龍德二年】夏四月漢主巖用術者言遊梅口鎮避災【通鑑】閩將王延美以兵襲之未至數十里漢主偵知遽還【南漢書高祖紀】

宗頤按九域志程鄉縣有四鎮其一梅口胡三省通鑑注引此云與閩之汀州接壤吳蘭修南漢紀考異注同即今之松口乾亨時屬潮州也

八年 甲申 公元九二四 漢主練兵潮州

【後唐莊宗 同光二年】是年劉主巖練兵于潮將伺閩楊洞潛納劉燻言諫阻之不聽卒引兵屯汀漳境上為閩人所敗而歸【十國春秋南漢書劉燻傳】

殤帝

光天元年 壬寅 公元九四二 秋七月張遇賢反擾嶺東各縣

【後晉高祖 天福七年】秋七月正州妖賊張遇賢反自稱中天八國王建元永樂置百官急攻循州刺史劉傳戰死【南漢書殤帝紀】遣越王洪昌循王洪杲攻之遇賢圍洪昌等於錢帛館裨將萬景忻陳道庠力戰挾二王潰圍而走嶺東皆亂

【新五代史南漢世家】諸州縣多為遇賢所陷【殤帝紀惠州志郡事】

中宗